

eman ta zabal zazu



Universidad  
del País Vasco

Euskal Herriko  
Unibertsitatea

**UPV/EHU eta VITAL FUNDAZIOAREN ARTEKO  
IKERKETA PROIEKTUETARAKO DEIALDIA  
(2023)**



PLAN  
BASQUE  
UNIVERSITY  
SYSTEM

## ATARIKOA

UPV/EHUK, bere estatutuek dioten legez, ikertzeko gaitasuna onartu eta bermatuko du, zientzialariek onetsitako lege eta kode edo arau deontologikoetan jasotako mugen barruan. Euskara sustatzeko konpromisoa hartzen du, ikerkuntzan eta zientziaren zabalkundearen, eta berdintasunaren eta garapenerako lankidetzaren arloko ikerkuntza bultzatzeko, hebetze egagutzeko eta ulertzeko mundu osoan giza garapena eta garapen jasangarria mehatxatzen dituzten arazoak. Arlo honetan, ikerkuntzari esker, garapen jasangarrirako 2030 agenda (Nazio Batuak, 2015) gauzatzen lagunduko da kontziente eta irmoki.

UPV/EHU eta Vital Fundazioaren arteko Ikerketa Proiektuen 2023. urteko deialdiaren helburua da Arabako Lurralde Historikoari eta garapen jasangarriaren helburuei (GJH) lotutako oinarritzko ikerketa aplikatua garatzen laguntzea. Xede horretarako, guztira, 20.000 euro erabiliko dira, Vital Fundazioaren eta UPV/EHUn arteko lankidetzaren hitzarmenaren arabera, Arabako Campusean jarduerak programak garatzeko.

Horrela, Ikerketa, Garapen eta Berrikuntza Batzordearen (aurrerantzean, IGBB) oniritziaren ondoren, Ikerketaren arloko Errektoreordetzak UPV/EHU eta Vital Fundazioa proiektuen deialdia (2023) argitaratzea ebatzi du.

### 1.OINARRIA.- DEIALDIAREN HELBURUA

Deialdi honen helburua da jakintza sortzea eta gizartearen eskura jartzea, Arabako Lurralde Historikoari lotutako ikerketa proiektuen bidez, jakintzaren bost alorretako edozeinetan: Zientziak, Ingeniaritza eta Arkitektura, Osasun Zientziak, Gizarte eta Lege Zientziak eta Arteak eta Giza Zientziak.

### 2.OINARRIA.- DEIALDI HONETAKO LAGUNTZEN ONURADUN IZATEKO EZINTASUNAK

Ezin izango dituzte deialdi honen baitako laguntzak eskatu egoera hauetakoren batean dauden pertsonak:

- i. Epa irmoz kondenatuta daudenak diru laguntza edo laguntza publikorik jaso ezin izatera.
- ii. Diru laguntzaren bat itzultzerak behartuta egonik, diru guztia itzuli ez dutenak.
- iii. Ebazpen irmo bidez zigortuta daudenak, lege honen edo beste lege batzuen arabera, diru laguntzak ez jasotzera.

Ezin izango dira onuradun izan ikertaldeak baldin eta bere kideetako edozein aurreko egoeraren batean balego.

### 3.OINARRIA.- IKERTALDE ESKATZAILEEN EZAUGARRIAK

Ikertaldeek 3.1 atalean jasotzen diren UPV/EHUREKIKO lotura motari dagozkion baldintzetako bat betetzen duten osakideak izango dituzte eta, ikertaldeak osatzeko 3.2. atalean zehazten dituen baldintzak beteko:

#### 3.1. UPV/EHUREKIKO lotura motak:

- a. UPV/EHUREKIN lotutako lan kontratadun edo funtzionarioak, Zientzia, Teknologia eta Berrikuntzari buruzko 14/2011 legearen 23. artikulua arabera kontratatutako pertsonala (itzal handiko ikertzaileen kontratua), UPV/EHUn Ramón y Caja! programaren barruan kontratatutako pertsonala, Ikerbasque programari atxikitako pertsonala, UPV/EHU eta CSICen arteko gune mistoetara atxikitako pertsonal doktorea eta irakasle atxikiak edo lehenago izandako bitarteko lan kontratadunak, lanpostu iraunkor baterako akreditatuta egoz gero.

- b. Pertsonal ez iraunkorra; honi dagokionez, UPV/EHUrekiko kontratu edo loturak 2023ko abenduaren 31ra artekoa izan behar du.

Horren harira, besteak beste, honako hauek izango dira langile ez iraunkorrak:

- Zientzia, Teknologia eta Berrikuntzari buruzko 14/2011 legearen 21. (doktorego aurreko kontratuak} eta 22. (Zientzia eta teknologiaren espainiar sistemara sartzeko kontratua) artikuluetan ezarritako kontratu modalitateen bidez UPV/EHUrekin lotura duten ikertzaileak. Kasu hauetan, kontratuaren iraupena 2020ko abenduaren 31a baino lehen amaituko balitz, kontratuaren arduradunak data horretarako lan lotura bermatzeko konpromisoa agertu ahal izango du.  
Prestakuntza bidean dauden doktorego aurreko ikertzaileei dagokienez, doktorego tesiaren zuzentzaileak proiektuaren ardura daraman taldeko kide beharko du izan.
- UPV/EHUren eta Eusko Jaurlaritzaren deialdietako doktoratu ondoko ikertzaileak.

- c. Unibertsitatearen arautegian ezarritako prozeduren arabera, ikerkuntzarako lankide akademikoak.

### 3.2. Ikertaldeak osatzeko baldintzak:

- a. Ikertaldeak, gutxien dela, 3.1.a. atalean aipatutako kolektiboetako bi doktore izango ditu osakide.
- b. Eskiera koordinatzen duen ikertzaile nagusia 3.1.a. atalean aipatutako kolektibo batekoa izango da, Arabako campusari atxikitakoa. Doktorea izango da eta arduraldi osoa izango du.
- c. Proiektuetan ikertzaile nagusi kide bat egon ahal izango da, lehenengoa egon ez eta ikertzaile nagusi arituko dena, beti ere 3.1.a oinarrian eskaturiko baldintzak beteta.
- d. Gutxien dela, ikertzaile nagusietako batek enplegu lotura izan beharko du UPV/EHUrekin eta berau izango da UPV/EHUko izatea betebeharrak moduan ezartzen duten funtzioetarako arduraduna (sinatu UPV/EHUren izenean, unitate organikoen arduradunak etaabar).
- e. Gutxien dela, eskaera egin duen ikertaldeko kideen %50ek Arabako Campusari atxikita egon beharko du.

3.3. Aldi berean eskaera batean baino gehiagotan parte hartzea: Ikertaldeko ezin kidek (ez eta ikertzaile nagusiak ere) ezin izango du parte hartu deialdi honetako eskaera batean baino gehiagotan. Ikertzaile batek aldi berean deialdi honetako bi proiektutan edo gehiagotan parte hartzen badu, proiektu horietatik kanpo geldituko da.

3.4. Aldi berean eskaera batean baino gehiagotan parte hartzea: Ikertaldeko ezin kidek (ez eta ikertzaile nagusiak ere) ezin izango du parte hartu deialdi honetako eskaera batean baino gehiagotan. Ikertzaile batek aldi berean deialdi honetako bi proiektutan edo gehiagotan parte hartzen badu, proiektu horietatik kanpo geldituko da.

## 4. OINARRIA.- LAGUNTZEN ZENBATEKOA ETA IZAERA

4.1 Honako hauetarako eskatu ahal izango da laguntza:

- a) Ikertzaileak kontratatuzeko laguntzak.
- b) Ohiko azpiegitura zientifikoa eta ekipamendu informatikoa. UPV/EHUko Kontratazio eta Erosketa Zerbitzu zentralaren bidez erosi ahal izango dira, ez bestela.

Azpiegitura zientifikoa proiektuaren amaiera data baino sei hilabete lehenagora arte erosi daiteke. Epe hori igarota, epigrafe honetara bideratutako finantzaketa erretiratuko du lkerketaren arloko Errektoreordetzak.

- c) Material suntsigarria, proiekturako beharrezkoa bada eta behar bezala justifikatzen bada.

Atal honen barnean sartuko dira ekipamendu zientifikoaren funtzionamendutik sortutako gastu guztiak, bai eta ikerketako zerbitzu nagusiak (SGlker) erabiltzeak sortutakoak ere.

- d) Bidaiak eta dietak, proiektuari loturik egin beharreko bidaiak edo ikerketa proiektuaren emaitzak batzar zientifiko garrantzizkoetan azaltzeko egin beharreko joan-etorriek eragindakoak.

Atal honetan sartutako zenbatekoek, bai eta, gehien dela, lau aste arteko egonaldi laburrenak ere, lotura zuzena izan behar dute proiektuaren helburuekin, eta behar bezala egiaztatuta eta zenbatespen nahikoaz ageri behar dira eskarian. Proiektua garatu ahal izateko, kanpoko lana (inkestak, elkarrizketak eta beste) egin behar denean, joan-etorri hauen kostua bidaia eta dieten atalean jarri behar dira. Atal honetan sartuko dira ere kongresuetan parte hartzeko bidaiak sortutako gastuak eta horietan izena emateko kuoten ordainketa.

- e) Beste gastu batzuk, aurreko atalean zehaztutako gastuetan sartzen ez direnak, baina behar bezala egiaztatuta daudenak. Barne izango dira konponketa eta mantentze lanak, UPV/EHUko zerbitzu zentralak egindako mantentze kontratuetan sartzen ez direnak, eta kanpo zerbitzuekin egindako kontratazioak; era berean, hemen sartuko dira proiektura atxikita egonda, UPV/EHU lan egiteko istripu aseguruaren estaldurarik ez duten kideen aseguruak eta kanpoko zerbitzuen kontratazioa.

4.2 Gehienez 6.000 eurotako finantzaketa eskatu ahal izangoda

4.3 Deialdi honen kargura finantzatutako proiektuak gauzatzeko gehieneko epea laguntza esleitzen deneko urteko abenduaren 31 izango da, eta epe hori ezin izango da luzatu.

## 5.OINARRIA.- ESKABIDEAK EBALUATZEKO IRIZPIDEAK

IRIZPIDEAK	PUNTUAK
1.- Proiektuaren kalitatea: <ul style="list-style-type: none"> <li>• Proposamenaren interes zientifikoa, teknologikoa, ekonomikoa edo soziala, originaltasuna eta izaera berritzailea (15 puntu).</li> <li>• Metodologiaren eta teknika instrumentalen egokitasuna (15 puntu).</li> <li>• Laneko plan bideragarri eta posibilista (10 puntu).</li> </ul>	40
2.- Ikertzaileen kalitate zientifiko eta teknikoa: <ul style="list-style-type: none"> <li>• Ikertzaileen curriculum (15 puntu).</li> <li>• Deialdi publikoetan eta/edo kontratu bidez finantzatutako proiektuetan baliabideak erakartzeko gaitasuna eta lortutako produktibitate zientifikoa (20 puntu).</li> </ul>	35

3.- Proiektuaren transferentzia eta finantzaketa: <ul style="list-style-type: none"> <li>• Arabako Lurralde Historikorako espero den teknologia/jakintza eta itzulera transferitzeko plana (10 puntu).</li> <li>• Aurrekontua proiektuaren helburuetara egokitzea (15 puntu).</li> </ul>	25
<b>BALIOESPEN OROKORRA</b>	<b>100</b>

Horrez gain, emakumezko ikertzaileak (IN nola IN kide gisa) buru dituzten eskaeren kasuan 2 puntu gehiago erantsiko zaizkio eginiko ebaluazioaren emaitzari.

## 6.OINARRIA.- ESKARIAK AURKEZTEKO EPEA

Deialdi hau irekita egongo da lkerketaren arloko errektoreordetzaren web orrian argitaratu eta hurrengo 30 egunetan.

## 7. OINARRIA.- ESKAERAKAURKEZTEKO EPEAK

Eskaera ikertzaile nagusiak egin beharko du. Honako dokumentu hauek aurkeztuko dira elektronikoki:

- iv. Eskaera deialdi honetarako aurreikusitako ereduaren arabera egingo da eta jarduera egingo duen taldeko langile guztiek sinatuko dute (sinadura digitalarekin).
- v. Proiektuan parte hartzen duten pertsonen CV laburtu normalizatua (CVA), pdf formatuan. CVak ez dira, inolaz ere, paperean aurkeztuko.

Eskaerak UPV/EHUko ikerketako errektoreordeari zuzendu beharko zaizkio.

Administrazio Publikoen Administrazio Prozedura Erkidearen urriaren 1eko 39/2015 Legearen 14 e) artikuluan eta UPV/EHUko idazkari nagusiaren 2021eko apirilaren 28ko Ebazpenean (UPV/EHUrekiko harreman elektronikoetan interesa duten pertsonen eta bertan lan egiten duten langileen identifikazio eta sinadura elektronikoari buruzko jarraibidea onartzen duena) ezarritakoarekin bat etorrituz, eskaera UPV/EHUko erregistro elektronikoan aurkeztu beharko da (URL [https://egoitza.ehu.eus/es/registro\\_o-electronico](https://egoitza.ehu.eus/es/registro_o-electronico) helbidean). Eskabidearen destinoan, lehenik eta behin, Ikerketako errektoreordetza aukeratu beharko da, eta, bigarrenik, Deialdien Ikerketa Kudeaketa (U02000256). Horretarako, honako hau zehaztu beharko da: Horretarako, UPV/EHUko enpleguaren ziurtagiri elektronikoa, Izenperen Erabiltzailearen Ziurtagiri Digitala, NAN elektronikoa edo FNMT-CERES Diruaren eta Zerga-zigiluaren Fabrika Nazionalaren ziurtagiria erabili beharko dira.

## 8.OINARRIA.- LAGUNTZAK GESTIONATZEKO ORGANOAK

Ikerketaren arloko Errektoreordetzak egingo ditu deialdi honetako laguntzen kudeaketa lanak, Ikerketaren gestioko zuzendaritzaren bidez.

## **9.OINARRIA.- ESKARIEN TRAMITAZIOA ETA BALIOESPENA**

9.1. Eskaerak aurkezteko epea amaitu eta hamar egunetara, lkerketaren arloko Errektoreordetzak datu edo baldintza guztiak betetzen ez dituzten eskaeren zerrenda argitaratuko du bere web atarian. Bertan eskaera bakoitzak zer falta duen zehaztuko du, interesdunek akatsa zuzen dezaten. Hamar egun balioudunen epea irekiko da, zerrenda argitaratzen denetik hasita, dokumentazioa osatzeko. Epe hori igarota ez bada akatsa zuzendu, ulertuko da eskaria bertan behera utzi direla.

9.2. IGBBk baloratuko ditu 5. oinarrian adierazitako balioespenirizpideak.

9.3. Ebaluazio prozesuan ikertzaile nagusiari ebaluatzaileekin biltzeko eskatu ahal izango zaio, eskaeraren inguruko azalpen eta xehetasun gehiagoemateko.

## **10.OINARRIA.- EBAZPENA**

10.1. IGBBk erabaki proposamena egingo du ebaluazio irizpideen arabera lortutako puntuazioa kontuan hartuta eta, esleitutako aurrekontu kreditua agortu arte, baloraziorik onena lortu duten proiektuei esleitu zaiatzkie laguntzak.

Erabaki proposamen hori lkerketaren arloko Errektoreordetzaren webgunean argitaratuko da, eta proiektu eskatzaile guztiek lortutako behin-behineko puntuazioa adieraziko da, argitalpen hori interesdunei jakinarazteko izango da.

10.2. Eskatzaileek 10 egunen epea izango dute, gehienez eta proposamena argitaratzen den egunaren biharamunetik zenbatzen hasita, onartzen dutela edo uko egiten diotela adierazteko, edo egokitatzat jotako alegazioak aurkezteko.

Alegazio horiek oinarritzeko, ikertzaile nagusiak bere proiektuaren ebaluazioa eskatu ahal du posta elektronikoz, [convocatorias.dgi@ehu.eus](mailto:convocatorias.dgi@ehu.eus) helbidera zuzenduta. Mezuaren "gaia" atalean zera adierazi beharko da: "EHU VITAL 2023- TXOSTEN ESKAERA".

Alegazioen dokumentua 7. oinarrian eskabideak aurkezteko ezarritako bide berberak erabiliz aurkeztuko da.

Adierazitako epea igaro bada alegaziorik aurkeztu gabe, behin-behineko erabaki proposamena onartutzat joko da, eta interesdunak alegatzeko bere eskubidea indarririk gabe geratu dela ulertuko da.

Ikerketako errektoreordearen ebazpena ikerketa-webgunean argitaratuko da, eta argitalpena interesdunei jakinaraziko zaie.

10.3. Banakako erabakiaren kontra berraztertze errekurtsoa jarri ahal izango da hilabeteko epean, urriaren 1eko 39/2015 Legeak, Administrazio Publikoen Administrazio Prozedura Erkidearenak, 123 eta 124. artikuluetan zehaztutakoari jarraituz.

10.4. Era berean, aipatu ebazpenaren kontra administrazioarekiko auzi errekurtsoa aurkez daiteke, bi hilabeteko epean, ebazpen hau jakinarazi eta hurrengo egunetik hasita.

## **11.OINARRIA.- LAGUNTZA ORDAINTZEKO BALDINTZAK**

Deialdiaren erabakia argitaratu ostean, ikerketa proiektuko ikertzaile nagusiak sinatu beharko du deialdiaren erabakian proposaturiko finantzaketa baldintzak onartzen dituela dioen dokumentua, esleitutako laguntzak hornitu ahalizateko.

## **12.OINARRIA.- JARRAIPENA**

12.1. Ikerketaren arloko errektoreordetzak antolatuko du subentzionatutako eskariei jarraipena egiteko prozedura.

12.2. Amaierako txostena. Jarduerak amaitu eta hurrengo hilabetean, lortutako emaitzak horretarako emango den inprimaki batean idatzitako amaierako txosten batean jasoko dira. Ikertzaile nagusiak sinatu beharko dutxostena.

12.3. Amaierako ebaluazioa. Azken txostena hartu ondoren, lortutako emaitzak ebaluatuko dira. Ebaluaziorako irizpide izango dira:

- a. Emaitzak plazaratzeko egindako argitalpenak, eta, hala dagokionean, lortutako aplikazioak, patenteak, prototipoak eta merkaturatzeko moduko bestelako produktuak.
- b. Zehaztu daitezkeen beste irizpide batzuk.

12.4. Modu deszentralizatuan egindako gastuen kasuan, faktura originalak ikerketa proiektuko ikertzaile nagusiaren sailean edo institutuan artxibatuko dira. Faktura horiek eskuragarri egongo dira

Ikerketaren arloko Errektoreordetzak, UPV/EHUko Barne auditoretzako zerbitzuak, Eusko Jaurlaritzaren Kontrol Ekonomikoko Bulegoak edo Herri Kontuen Euskal Epaitegiak egiaztapenen bat egin behar dutenerako, eta hala, deialdi honen kargura jasotako laguntzei buruz beren zereginen baitan eskaturiko edozer informazio eman beharkozaie.

Inola ere ez da fotokopiarik onartuko jatorrizko agiriak galtzeagatik.

12.5. Proiektua gauzatzeko epearen barruan egindako gastuak bakarrik egotzi ahal izango zaizkio proiektuari; hau da, epe horretan egindako erosketak, bidaiak, lanak, eta abar.

## **13.OINARRIA.- EMAITZEN ZABALKUNTZA ETA USTIAPENA**

13.1. Ikerketaren ondorioz sortutako emaitza guztietan edo emaitzok zabaldu eta ustiatzeko argitalpen eta ekitaldi guztietan (direla ponentziak, hitzaldiak, kongresuak edo parte hartutako bestelako zientzia gertakariak edo patenteak, prototipoak edo erabilera ereduak), UPV/EHUren filiazioa ageri beharko da, bai eta erakundearen ikusizko nortasuna ere, unibertsitateak zehaztutako baldintzetan.

13.2. Ikertzaileak zein erakunderi lotuta dauden adierazteaz gain, esker onen eta aintzatespenen atalean, Vital Fundazioak emandako finantzaketarekiko esker ona ere adierazi beharko da, horrek ahalbidetu baitu ikerketa.

13.3. Ikerketa jarduerak aurrera eramanez, potentzialki patentagarriak edo jabetza intelektualerako bestelako elementuen bidezko babesa jaso beharreko emaitzak sumatuko balira, emaitza hauek ikerketako errektoreordetzari jakinaraziko zaizkio, beren erregistroa egin dezan, pertsonal espezializatuak honela iritziko balio. Erregistratuz gero, UPV/EHU izango da patenteen eta jabetza intelektualaren titularra. Asmakizunean parte hartu duten ikertzaileak asmatzaile gisa aitortuko dira.

## **14.OINARRIA.- LAGUNTZA EMATEAREN BALDINTZEN ALDAKETA**

14.1. Ikertaldeari finantzaketa emateko kontuan hartu diren baldintzak aldatuko balira, betiere haren xedea betetzat jo denean, edo ikertaldeak diru laguntzarik jasoko balu beste erakunde publiko edo pribaturen batetik, horrek bere garaian eman zen laguntzaren aldeko erabakia aldatzeko erabakia ekar lezake eta, horren bidez, proiektuari esleitutako

aurrekontua murriztea edo, hala badagokio, kentzea.

Horretarako, erabakia hartu aurretik, diru laguntzei buruzko azaroaren 17ko 38/2003 Lege Orokorrean xedaturiko administrazio prozedura burutuko da, lkerketa, Garapen eta Berrikuntza Batzordeak proposatuta, eta haren berri emango zaio, indibidualki, ikertaldeko ikertzaile nagusiari.

14.2. Honako kasu hauetan ulertuko da finantzaketa jasotzeko baldintzak aldatu direla:

- a. lkerketa proiektuko ikertzaile nagusiak proiektua gauzatzeari uko egitea, edo proiektuko ikertzaile nagusia UPV/EHUKoa ez den beste erakunde batera lekualdatzea, edo Euskal Autonomia Erkidegotik kanpo bidaltzea, horrekin arriskuan jarrita proiektuaren zuzendaritza eta aurreikusitako helburuak lortu ahalizatea.
- b. lkerketa proiektu berbererako beste iturri batzuetatik diru laguntza jasotzen denean, edo beste erakunde, entitate edo zentro publiko edo pribatu batzuei lkerketa proiektu beraren aldakiak aurkezten bazaizkie behar bezala justifikatu gabe eta finantzaketa eskatzeko xedez, aldeztu aurretik lkerketaren arloko Errektoreordetzari horren berri eman gabe.
- c. Deialdi honetako oinarriak, guztiak edo batzuk, modu larrian urratzea.
- d. Eskaeran datuak ezkutatu, aldatu edo maduren batera edo bestera manipulatzeko.
- e. Proiektuetako taldeetako pertsona kopurua aldatzea (behera eginda), 15. oinarrian ezarritakoaren arabera.
- f. Jarduera finantzatzeko xedez egindako deialdien barne ez dauden gastuak egitea UPV/EHUK kontrataziorako ezarritako prozedura zentralizatuak bete gabe.
- g. Ildohorretan, UPV/EHUK ezarritako prozedura zentralizatuetatik kanpo edozein erosketa eginez gero, laguntzaren emakida itzuli beharko da eta erabili gabeko finantzazioa kenduko da.

## **15. OINARRIA.- IKERKETA PROIEKTU TALDEAREN OSAERA ALDATZEA**

15.1. lkerketa proiektuko taldearen osaeran edo zer aldaketa egiteko baimena eskatu beharko zaio lkerketaren arloko errektoreordeari eta hark kudeatuko du dagokion erabakia.

Ez da ekipoan baxarik onartuko, ez bada ezinbesteko kausarengatik.

Aldaketa hori eskatuko balitz, lkerketaren arloko errektoreordeak IGBBri helaraziko dio eskaria, txostena eman dezan berori onartu edo ezetsi beharri buruz eta erabaki proposamena lkerketaren arloko errektoreordeari jakinarazdiezaion.

15.2. Ikertaldeetako kideen aldaketak, altak eta bajak lkerketaren arloko errektoreordeak baimena ematen duen egunean hasiko dira eragina izaten, lkerketa, Garapen eta Berrikuntza Batzordeak aurretik txostena eginda.

## **16. OINARRIA.- LAGUNTZEN HARTZAILEEN LEGEZKO ERANTZUKIZUNA**

Deialdi honetan jasota ez dagoen guztirako, Diru Laguntzei buruzko azaroaren 17ko 38/2003 Lege Orokorrean ezarritakoari jarraituko zaio, besteak beste, diru laguntzak itzultzeari buruzko xedapenei eta arau hauste eta zigorrei buruzko arauari.

Aurreko ondorioetarako, ulertuko da Diru Laguntzei buruzko Lege Orokorrean aipatzen diren beste administrazio batzuetako organo zehatzen inguruko aurreikuspenak eskumen baliokideak dituen unibertsitateko organoaz (edo honen ahalik eta antzekoenak dituen organoaz) ari direla.

## **17. OINARRIA.- IKERKETA JARDUERAKIN LOTURIKO IRIZPIDE ETIKOAK**



17.1. Deialdi honetarako proposatu diren jardueretan gizakirik, gizakien lagin biologikorik edo/eta pertsonen datu pertsonalak erabiliko badira, honakoak bete beharko dituzte:

- Aitorpenetan jasotako printzipio etikoak errespetatzea (Belmont, 1979; CIOMS, 2002; Giza Genoma, UNESCO, 1997; Oviedoko Biltzarra, 1999; eta Tokio, 2004).
- Indarreko legedia bete: 14/2007 Legea, biomedikuntzako ikerketei buruzkoa; 1716/2009 ED, biobankuei buruzkoa; 41/2002 Legea, pazientearen autonomiari buruzkoa; eta datuen babeserako indarrean dagoen araudia.
- Kasuan kasuko lkerketako Batzorde Etikoaren (AEIBE) aurreko eta nahitaezko aldeko txostena lortzea, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanen etika organoak arautzeari buruzkoan (EHA, 32 zk., 2014-02-17koa), jasotzen duen bezala.

17.2. Deialdi honen bidez gauzatu nahi diren jardueretan animaliekin esperimentatu nahi bada, ondorengo baldintzak bete behar dira:

- Nazioartean sustatutako ordezte, murrizte eta fintze irizpideak errespetatu.
- Animaliekin ikertzearen arloko indarreko arautegia bete (53/2013 ED).
- Animaliekin egiten den Esperimentaziorako Etika Batzordearen (AEEB) aldeko txostena lortu, aldeztu aurretik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Arautegiak jasotzen duen bezala (erabakia 2014-02-17ko EHAAn argitaratu zen, 32. zk.).
- Agintari eskudunaren baimena agertu (foru diputazioen abeltzaintza saila).

17.3. Deialdi honen bidez gauzatu nahi diren jardueretan agente biologikoak eta/edo genetikoki eraldatutako organismoak (GEO) erabili nahi badira, ondorengo baldintzak bete behar dira:

- Giza osasuna eta ingurumena babestearen inguruko prebentzio, zuhurtasun eta informazio printzipio etikoak errespetatu.
- Arlo horretako indarreko arautegia bete (31/1995 Legea, laneko arriskuak prebenitzeari buruzkoa; 664/1997 ED, langileak eragile biologikoekin lan egitearen arriskuetatik babesteari buruzkoa; 665/1997, langileak eragile kartzinogenoekin lan egitearen arriskuetatik babesteari buruzkoa; 9/2003 Legea eta 178/2004 ED, genetikoki eraldatutako organismoen erabilera konfinatua, borondatezko askapena eta merkaturatzeari buruzkoa).
- Agente Biologikoekin eta Genetikoko Eraldatutako Organismoekin egindako lkerketetarako Etika Batzordearen (ABIEB) aldeko txostena lortu, aldeztu aurretik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Arautegiak jasotzen duen bezala (erabakia 2014-02-17ko EHAAn argitaratu zen, 32. zk.).

17.4. Deialdi honen bidez gauzatu nahi diren jardueretan enbrioi zelula amekin edo haietatik eratorritako zelula lerroekin ikerketak egiteko beharrezkoa izango da hauek betetzea: 45/2003 Legea eta hari dagokion 2132/2004 ED, soberako aurre-enbrioietatik eskuratutako zelula amekin ikerketak egiteko baimena eskatzeko baldintzak eta prozedurak ezartzen dituen, bai eta 09/2014 ED ere, uztailaren 4koa, giza zelulak eta ehunak emateko, lortzeko, ebaluatzeko, prozesatzeko, zaintzeko, gordetzeko eta banatzeko kalitate eta segurtasun arauak ezartzen dituen.

Horrez gain, giza laginekin egindako ikerketari buruzko arau hau ere kontuan izan beharko da: 1716/2011 Errege Dekretua, azaroaren 18koa; honen bidez, alde batetik, biomedikuntzako ikerketa egiteko xedea duten biobankuak baimentzeko oinarrizko eskakizunak ezartzen dira, bai eta biobanku horiek jarduteko oinarrizko eskakizunak ere; bestetik, giza lagin biologikoak tratatzeko bete behar diren oinarrizko eskakizunak ezartzen dira, eta, azkenik, lkerketa Biomedikorako Erregistro Nazionalaren funtzionamendua eta antolamendua arautzen dira. (EBO, 290. zk., 2011ko abenduaren 2koa, ostirala).

17.5. Deialdi honen bidez gauzatu nahi diren jarduerak ezin izango dute gerrarik piztu, sustatu eta babestu, ez eta, zehatzago, armak egiteko edo merkaturatzeko enprekin zuzenean edo zeharka lan egin ere.

### **AZKEN XEDAPENETATIK LEHENENGOA**

Deialdi honek administrazio bidea amaitzen du, eta beronen kontra administrazioarekiko auzi errekurtsua jar daiteke Bilboko administrazio auzietako epaitegietan, bi hilabeteko epean, deialdia argitaratzen den egunetik kontatzen hasita. Aurrekoa gorabehera, nahi izanez gero, berraztertze errekurtsua aurkez dakioke lkerketaren arloko errektoreordeari. Deialdia argitaratu eta hilabeteko epean, 39/2015 Legearen 123. artikuluari jarraituta.

### **AZKEN XEDAPENETATIK BIGARRENA**

Honako deialdi hau lkerketaren arloko Errektoreordetzaren webgunean argitaratzerakoan sartuko da indarrean. lkerkuntzako eskumenak dituen errektoreordearenesku geratzen dira honako deialdi hau garatu eta burutzeko beharko diren ekintza eta erabaki guztiak, bai eta, hala beharko balitz, epeak zabaltzeko aukera ere barne.

Leioan, 2023ko otsailaren 23an

Inmaculada Arostegui  
Ikerketaren Arloko Errektoreordea  
Vicerrectora de Investigación